

廿五

六科準繩



知母散 治妊娠煩躁悶亂口乾及胎臟熱

知母

麥門冬

甘草 各半兩

黃耆

子芩

赤茯苓 各七錢半

右啖

咀每服四錢水一盞煎至七分去滓入竹瀝一合更煎三沸溫服

葛根散 治婦人妊娠數月胸膈煩躁脣口乾渴身熱少食

家葛根 野者不用

黃芩

人參

萎蕤

黃耆

麥門冬

甘草 等分咬咀

右每服四錢水一盞竹茹一團如錢大煎七分溫服無時

人參黃耆散 治妊娠身熱煩躁口乾食少

人參

黃耆

家葛根

麥門冬

赤茯苓

秦艽 各一兩

知母 七錢半

甘草 半兩

每服四錢薑水竹葉煎服

補遺人參白朮散 黃耆六一湯皆良

治子煩口乾不得臥用黃連 去鬚細末每服一錢 粥飲調下

吐血衄血咳唾血

〔大〕妊娠吐血者皆由臟腑有傷凡憂思驚怒皆傷臟腑氣逆於上血隨而溢心悶胸滿久而不已心悶



甚者死妊娠病此多墮胎也〔薛〕前證若肝經怒火先用小柴胡山梔生地次用前藥合四物後用加

味逍遙散調經肝經風熱防風子芩丸胎漏下血心經有熱硃砂安神丸雜病虛煩心氣不足補心湯驚悸思慮傷心妙

香散同上胃經有火犀角地黃湯吐血膏粱積熱加味清胃散齒齲鬱結傷脾加味歸脾湯健忘肺經有火黃芩清

肺飲因氣鬱滯紫蘇飲胎上逼心氣不攝血用補中益氣湯腎經虛火加味六味丸雜病虛勞

局方必勝散 治男子婦人血妄流溢吐血衄血嘔血咯血

熟乾地黃 小蓴并根用 人參 蒲黃微炒 當歸去蘆 芎藭

烏梅肉各一兩 右件藥搗羅為粗散每服五錢水一盞半煎至七分去滓溫服不拘時

治吐血不止 馬氣勃用生布擦為末濃米飲調下

治鼻衄以白茅花濃煎汁服

針灸咳嗽

〔心〕妊孕寒熱往來咳嗽血痰或嘔吐不食無力或喘滿乳脊相應痛或口中唾如霜雪出語無聲或耳

鳴或痰涎日夜數碗誤用熱藥之故也刺 風門 魂戶各五分 支溝 間使各相透

如寒熱未解百節痠癢昏憤再取 絕骨五分 太溪三分

如脈氣未平瀉 太淵 太白各二分 熱府 以上穴實瀉虛補治產前病立效此病安後半年必有一



變四肢消瘦單腹腫脹卽取陰交一穴去其惡物也

咳嗽

〔大全〕夫肺內主氣外司皮毛皮毛不密寒邪乘之則咳嗽秋則肺受之冬則腎受之春則肝受之夏則心受之其嗽不已則傳於腑妊娠病久不已則傷胎也 〔薛〕前證若秋間風邪傷肺用金沸草散雜病咳嗽

夏間火邪尅金用人參平肺散雜病喘冬間寒邪傷肺用人參敗毒散雜病傷濕春間風邪傷肺用參蘇飲雜病發熱

若脾肺氣虛用六君芎歸桔梗若血虛四物桑白皮杏仁桔梗腎火上炎用六味丸雜病虛勞加五味子煎服

脾胃氣虛風寒所傷用補中益氣雜病勞倦加桑皮杏仁桔梗蓋肺屬辛金生於巳土嗽久不愈者多因脾土

虛而不能生肺氣而腠理不密以致外邪復感或因肺氣虛不能生水以致陰火上炎所致治法當壯土

金生腎水爲善 一妊娠氣喘痰甚諸藥不効素有帶下始於目下浮兩月餘其面亦然此氣虛而有痰

飲也用六味丸料數劑而愈 一妊婦嗽則便自出此肺氣不足腎氣虧損不能司攝用補中益氣湯以

培土金六味丸加五味以生腎氣而愈 一妊婦咳嗽其痰上湧日五六碗許諸藥不應予以爲此水汎

爲痰用六味丸料及四君子湯各一劑稍愈數劑而安 一妊婦因怒咳嗽吐痰兩脇作痛此肝火傷肺

金以小柴胡湯加山梔枳殼白朮茯苓治之而愈但欲作嘔此肝侮脾也用六君子加升麻柴胡而痊



款冬花散 治妊娠心膈痰毒壅滯肺氣不順咳嗽頭疼

款冬花

麻黃

貝母煨

前胡

桑白皮

紫苑各半兩

旋復花

白朮

甘草各二錢半

石膏一兩

右咬咀每服四錢水一盞薑三片煎至

七分去滓溫服

苦梗散 治妊娠肺壅咳嗽喘急

桔梗

紫蘇

人參

桑白皮

貝母

甘草各半兩

天門冬去心

赤茯苓各一兩

麻黃七錢半

每服四錢水二鍾生薑三片煎至一鍾不拘時服

馬兜鈴散 治妊娠胎氣壅滯咳嗽喘急

馬兜鈴

桔梗

人參

甘草

貝母各半兩

陳皮去白

大腹子

桑白皮

紫蘇各一兩

五味子二錢半

右咬咀每服四錢薑三片水煎

麻黃散 治妊娠外傷風冷痰逆咳嗽不食

麻黃去節

陳皮去白

前胡各一兩

半夏湯洗

人參

白朮

枳殼炒

貝母

甘草各半兩

咬咀每服四錢葱白五寸薑三片棗一枚水煎服



百合散 治妊娠風壅咳嗽痰多喘滿

百合

蒸

紫苑茸

洗

白芍藥

赤茯苓

去皮

桔梗

炒

前胡

各去蘆

貝母

去心各一錢半

甘草

五分

作一服水二鍾薑五片煎至一鍾不拘時服

紫苑湯

治妊娠咳嗽不止胎不安

紫苑

一兩

桔梗

半兩

甘草

杏仁

桑白皮

各二錢半

天門冬

一兩

右咬

咀每服三錢竹茹一團水煎去滓入蜜半匙再煎一兩沸溫服

局方華蓋散

治妊娠咳嗽不止穩重有效

見雜病欬嗽

喘

呂滄洲治經歷哈散侍人病喘不得臥衆作肺氣受風邪治之呂診之氣口盛于人迎一倍厥陰弦動而疾兩尺俱短而離經因告之曰病蓋得之毒藥動血以致胎死不下奔迫而上衝非風寒作喘也乃用催生湯加芎歸煮二三升服之夜半果下一死胎喘卽止哈散密囑曰病妾誠有懷以室人見嫉故藥去之衆所不知也衆慚而去

平安散 治妊娠上氣喘急大便不通嘔吐不食腹脇脹痛



川芎

木香各一錢半

陳皮

熟地黃洗

乾薑炮

生薑

厚朴

去粗皮製炒

甘草各一錢

右作一服水二鍾入燒鹽一捻煎至一鍾不拘時服

桔梗湯

馬兜鈴散並見前款嗽條

瘡

〔大〕妊娠病瘡乃夏傷於暑客於皮膚至秋而發陽盛則熱陰盛則寒陰陽相離寒熱俱作其發寒者由

風邪客於風府循膂而下衛氣至一日一夜常大會於風府故發日晏其早者衛氣之行風府日下一節

二十一日下至尾骶二十二日入脊內上注於伏衝之脈其行九日出缺盆其氣既止故發更早其間日

發者風邪內搏五臟橫連募原其道遠其氣深其行遲不能日作也妊娠而發多傷於胎〔薛〕前證因

脾胃虛弱飲食停滯或外邪所感或鬱怒傷脾或暑邪所伏審係飲食停滯用六君子加桔梗蒼朮藿香

外邪多而飲食少用藿香正氣散

雜病中風

外邪少而飲食多人參養胃湯

雜病瘡

勞傷元氣用補中益氣湯

雜病勞傷若鬱怒所傷用小柴胡湯

傷寒少陽病

兼歸脾湯

健忘

若木侮土久而不愈用六君子為主佐以安胎藥仍

參三陰三陽經而治之 一婦人因怒患瘡舉發無期久而不已胸腹不利飲食少思吞酸吐痰用六君

子加柴胡山梔二十餘劑尋愈但晡熱少食又用四君子加柴胡升麻為主佐以逍遙散而痊 一妊婦



瘧久不已嘔氣下氣胸腹膨脹食少欲嘔便血少寐此屬肝脾鬱怒用歸脾湯加柴胡山梔漸愈又用六君子湯加柴胡山梔升麻而愈 一妊婦患瘧已愈但寒熱少食頭痛晡熱內熱此脾虛血弱也用補中益氣湯加蔓荊子頭痛頓止又用六君子湯加芎歸飲食頓進再用逍遙散加參朮而寒熱愈驅邪散 治妊娠停食感冷發為瘧疾

白朮

草菓仁

高良薑炒

縮砂仁

藿香葉

橘紅

白茯苓

去皮各一錢半甘草炙五分

右作一服水二鍾生薑五片紅棗一枚煎一鍾不拘時服

七寶散

治男婦一切瘧疾或先寒後熱或先熱後寒或寒多熱少或熱多寒少或一日一發或一日兩

三發或連日發或間日發或三四日一發不問鬼瘧食瘧不伏水土山嵐瘴氣似瘧者並皆治之

常山

厚朴薑製

青皮

陳皮並不去白

甘草

檳榔

草果

去皮各等分

咬咀每服半兩於未發隔夜用水酒各一盞煎至一大盞去滓露一宿再用酒水煎

滓一次去滓亦露一宿來日當發之早湯溫面東先服頭藥少頃再服藥滓大有神效 予嘗治一妊

婦六七個月患瘧先寒後熱六脈浮緊醫用柴胡桂枝無效予曰此非常山不愈眾醫難之越數日疾

甚乃從子治以七寶散一服瘧黃帝問婦人重身毒之奈何岐伯曰有故無殞帝曰何謂也岐伯曰大



積大聚其可犯也衰其大半而止誠審藥物之性明治療之方何疑攻治哉

柴胡散 治妊娠瘧疾

柴胡二錢

生大黃二錢

生黃芩一錢半

甘草一錢

右咬咀作一服水煎臨發日五更溫服

必取利爲愈如胎上逼心可服枳殼散忌油麵辛熱等物

又方 用大黃

二兩

柴胡

一兩

黃芩

一兩

藥芍

一兩

爲細末清水糊爲丸如梧桐子大每服百丸臨發日

五更冷湯吞下隔兩時再服五十丸以利爲度

若妊娠瘧疾發熱口乾渴飲無度者亦用生地黃

半

黃芩麥門冬

去心

人參知母

各一兩

石膏

二兩

甘草

半兩

乾葛

一兩

右咬咀每服五錢入烏梅

又方 用常山

一兩

石膏

一兩

甘草

炙

黃芩

各半兩

烏梅

七個

細切以水酒各一椀浸一縮平旦煎至一椀

去滓分二服臨發時服

右方犯常山大黃吐下之劑若六脈浮緊有力中有頑痰積熱者用之所謂

有故無殞也其他療治方法已備雜證瘧門茲不贅若熱甚恐致動胎者亦如傷寒熱病治法以白藥

子伏龍肝等塗臍上下可也

霍亂

〔大〕夫飲食過度觸冒風冷陰陽不和清濁相干謂之霍亂其間或先吐或腹痛吐利是因於熱也若頭

痛體疼發熱是挾風邪也若風折皮膚則氣不宜通而風熱上衝為頭痛苦風入腸胃則洩利嘔吐甚則手足逆冷此陽氣暴竭謂之四逆妊娠患之多致傷胎也〔薛〕按前證若因內傷飲食外感風寒用香正氣散若因飲食停滯用平胃散果脾胃頓傷陽氣虛寒手足逆冷者須用溫補之劑治當詳審毋使動胎也 一妊婦霍亂已止但不進飲食口內味酸泛行消導寬中余曰此胃氣傷而虛熱也當用四君子湯彼不信乃服人參養胃湯嘔吐酸水其胎不安是藥復傷也仍與四君子湯俾煎熟令患者先嗅藥氣不作嘔則呷少許恐復嘔則胎為鈞動也如是旬餘愈

人參白朮散

白朮

茯苓

人參

甘草

木香

藿香

各半兩

乾葛 一兩

為末沸湯調服二錢吐甚者加生薑汁頻頻飲之

人參散 治妊娠霍亂吐瀉心煩腹痛

人參

厚朴

薑製

橘紅

各二錢

當歸

炒

乾薑

甘草

各一錢

作一服

水二鍾薑三片紅棗三枚煎一鍾服無時

白朮散 治妊娠霍亂腹痛吐利不止

白朮炒

益智仁

枳殼麩炒

橘紅各七錢半

草豆蔻煨去皮

良薑炒各半兩

右爲散

每服三錢水煎入薑半分去滓溫服無時

木瓜煎 治妊娠霍亂吐瀉轉筋入腹則悶絕

吳茱萸湯炮七次

生薑切各七錢半

木瓜切一兩半

一方有茴香七錢半甘草一錢

茱萸半兩加紫蘇煎

右細剉水二盞煎一盞二分去滓分三服熱服無時

縮脾飲 解伏熱除煩渴消暑毒止吐利霍亂之後服熱藥太多致煩躁宜沉井水中候冷頻頻服

草果仁四兩

烏梅肉三兩

甘草二兩半

右咬咀每半兩水一碗薑十片煎八分沉冷服

妊娠霍亂腹痛四肢冷逆汗出脈虛弱者理中湯治之

右四方內用乾薑豆蔻茱萸俱大溫之劑若發熱煩渴脈數陽證者服之卽死宜用後方

竹茹湯嘔吐

益元散

桂苓甘露飲

冬葵子湯並雜病霍亂

泄瀉

〔薛〕米食所傷用六君加穀蘖麵食所傷用六君加麥蘖肉食所傷用六君加山查若兼寒熱作嘔乃肝木侮脾土用六君加柴胡生薑兼嘔吐腹痛手足逆冷乃寒水侮土六君加薑桂不應用錢氏益黃散幼科



脾臟若元氣下陷發熱作渴肢體倦怠用補中益氣湯雜病勞倦若泄瀉色黃乃脾土之真色用六君加木香肉

果若作嘔不食腹痛惡寒乃脾土虛寒用六君加木香薑桂若瀉在五更侵晨飲食少思乃脾腎虛弱五

更服四神丸瀉日間服白朮散如不應或愈而復作或飲食少思急用八味丸雜病虛勞補命門火以生脾土

爲善 邊太常側室妊娠泄瀉自用枳朮黃連之類腹悶吐痰發熱惡寒飲食到口卽欲作嘔強匙許卽

吞酸不快欲用祛痰理氣余曰此因脾胃傷而痰滯中脘若治痰氣復傷脾胃矣遂以參朮炮薑爲末丸

如黍粒不時含嚥三五丸漸加至三日後日進六君子湯而尋愈 進士王繳徵之內懷妊泄瀉惡食作

嘔余曰脾氣傷也其夫憂之強進米飲余謂飲亦能傷胃且不必強俟脾胃醒宿滯自化飲食自進不信

別用人參養胃湯飲之吐水酸苦又欲投降火寒藥余曰若然則胃氣益傷也經云損其脾胃者調其飲

食適其寒溫後不藥果愈

加味理中湯

人參

白朮

白芍藥

白茯苓

乾薑

黃連

藿香葉

木香

訶子肉

肉果

甘草各一錢

水二鍾生薑三片大棗

二枚煎一鍾飢時服 餘方並詳第二卷泄瀉及雜病泄瀉門

滯下

〔薛〕治痢之法當參前篇其下黃水乃脾土虧損真色下陷也當升補中氣若黃而兼青乃肝木剋脾土宜平肝補脾若黃而兼白乃子令母虛須補脾胃若黃而兼黑是水反侮土矣必溫補脾胃若黃而兼赤乃心母益子但補中益氣若腸胃虛弱風邪客之用胃風湯或胎氣不安急補脾胃而自安矣凡安胎之藥當臨病制宜不必拘用阿膠艾葉之類 地官胡成甫之內妊娠久痢自用消導理氣之劑腹內重墜胎氣不安又用阿膠艾葉之類不應余曰腹重墜下元氣虛也胎動不安內熱盛也遂用補中益氣湯而安又用六君子湯全愈 壺仙翁治湯總兵夫人妊娠病痢不止翁診其脈虛而滑兩關若濇此由胎氣不和相火炎上而有熱似痢實非也乃用黃芩白朮以安胎四物生地黄以調血數劑而安 當歸芍藥湯治妊娠下痢腹痛

即當歸芍藥散見前心痛

〔本〕治婦人胎前產後赤白痢

生薑

年少者百錢老者二百錢取自然汁鴨子一枚

右將鴨子打破傾入薑汁內攪勻煎八分入蒲黃三錢再煎五

七沸空心熱服立效

〔無〕妊娠下痢赤白絞刺疼痛

雞子 一枚烏雞者佳破孔 黃丹 一錢入雞子殼內同黃攪勻以厚紙糊牢鹽泥固濟火上煨焙乾為細末 右每服二錢米飲調下一服

愈者是男二服愈者是女

〔大〕治妊娠素弱頻併下痢腹痛羸瘦面色痿黃不進飲食

厚朴 一兩 白朮 熟地黃 川芎 白芍藥 當歸

乾薑 人參 各一兩 訶子 三錢 甘草 一錢 右咬咀每服四錢薑三片水煎

又方 治妊娠下痢腹痛小便澀

當歸 黃耆 各一兩 糯米 一合 右細切和勻水煎分四服

〔羅〕大寧散 治妊娠下痢赤白灰色泄瀉疼痛垂死者

黑豆 三十粒 粟殼 二兩半 甘草 二兩半 右為粗末都作一服生薑三片同煎食前服

治妊娠挾熱下痢亦治男子常痢

黃連 黃柏 各一兩 升 山梔仁 二十枚 右咬咀每服五錢水二盞浸二時久煮十餘沸頓服

若嘔加陳皮 一兩 半 生薑 三兩

黃連湯 治妊娠下痢赤白膿血不止

女科準繩 卷四 胎前 滯下 大小便不通



寒

滯氣

黃連二兩

厚朴薑製

阿膠炙

當歸

乾薑各一兩半

艾葉

黃柏各一兩

右爲細末空心米飲調下方寸匕日三服

療妊娠白膿痢腹中冷

乾薑四兩

赤石脂六兩

粳米一升炒黃

右用水七升煎取二升溫分三服

厚朴散 治妊娠下痢黃水不絕

厚朴薑炙三兩

黃連三兩

肉荳蔻一枚連皮用

右爲粗末水煮頓服

草菓飲 治妊娠臟氣本虛脾胃少弱臟腑虛滑腹臍疼痛日夜無度

厚朴薑製二兩

肉荳蔻一個麵裹煨

右咬咀每服三錢薑三片水同煎

大小便不通

〔大〕夫妊娠大小便不通由臟腑之熱所致若大腸熱則大便不通小腸熱則小便不利大小腸俱熱則

大小便俱不通更推其因而藥之〔薛〕前證若大腸血燥用四物湯加條芩桃仁大腸氣滯用紫蘇飲

加杏仁條芩腸胃氣虛用六君子加紫蘇杏仁肝脾蘊熱用龍膽瀉肝湯心肝虛熱用加味逍遙散加車

前子 亞卿李蒲汀側室妊娠大小便不利或用降火理氣之劑元氣反虛肝脈弦急脾脈遲滯視其面



色青黃不澤余曰此鬱怒所致也用加味歸脾湯為主佐以加味逍遙散而安 主政王天成之內妊娠痢疾愈後二便不通其家世醫自用清熱之劑未效余診其脈浮大而瀉此氣血虛也朝用八珍湯加桃仁杏仁夕用加味逍遙散加車前子而瘥

小品療妊娠子淋大小便並不利氣急已服豬苓散不瘥宜服甘遂散下之

甘遂散方 用泰山赤皮甘遂二兩 右一味爲末以白蜜二合和服如豆大一粒覺心下煩得微下者

日一服下之後還服豬苓散不得下日兩服漸加至半錢以微利爲度經心錄同 此藥太峻不可輕用

豬苓散 療妊娠小便澀痛兼治胎水

豬苓五兩 去皮爲末白湯調方寸匕加至二匕日三夜二不瘥宜轉下之服前藥

葵子湯古今錄驗 治妊娠得病六七日以上身熱入臟大小便不利安胎除熱

葵子二升 滑石四兩 碎 右以水五升煮取一升去煮盡服須臾當下便愈

又方 葵子一合 川朴硝二兩 每服三錢水煎溫服

治妊娠大小便不通心腹脹滿妨悶不欲飲食手足煩熱

檳榔 赤茯苓 大腹皮 木通 郁李仁去皮 尖 北五味各一兩

利大腸



桑寄生 甘草 苦梗各半兩 右為粗末每服三錢水一盞煎至六分溫服

治妊娠大小便不通熱閉心膈腹脇脹悶妨害飲食

大黃 木通 檳榔各一兩 枳殼七錢半 大腹子三枚 訶子四個去核半生半煨 右

為末以童便一盞葱白二寸同煎至六分調下二錢

當歸散 治胎前諸疾或因怒中氣衝子臟或衝脬脈腹急肚脹腰腹時疼不思飲食四肢脤腫氣急時

喘大便忽難小便忽澀產門忽腫

當歸一兩 赤茯苓 枳殼 白芍藥 川芎各二兩 川白薑炮

木香煨 粉草各半兩 右咬咀每服三大錢水一盞半生薑三片煎至八分去滓無時溫服

如稟受氣弱及南人枳殼減半如氣實及北人於內加分兩服之或連日大便秘澀加蜜同煎

初虞世治妊娠大便秘澀方

枳殼二兩 防風二兩 炙草一兩 右為細末沸湯點服一二錢空心日三

又治虛羸大便秘方

枳殼製 阿膠炒各等分 右為細末煉蜜和劑杵二三千下丸如梧子大別研滑石末為衣溫湯